

tim stante febre. Primò accipiatur gallina bene carnosâ, & nò antiqua, aut capo carnosus, & non pinguis, decolletur, & deinde depiletur absq; impositione in aqua calida: postmodum exentertur, & auferatur omnis pinguedo ab eo, dehinc tota eius caro pectoris & coxarum discindatur in minuta frusta, quæ abluantur cum aqua rosacea, aut violarum, & cum modico vini albi odoriferi, postea carnes ita ablutæ aspergantur hoc puluere cordiali:

R. Corallorum rubeorum, alborum ʒ.ij.
Margaritarum non perforatarum ʒ.j.
Foliorum auri puri num.vj.

Misce, & fiat puluis subtilis, cum quo aspergantur carnes, & inuoluantur in eo: deinde sic præparatæ ponantur in phiala vitrea magna, & cum his carnibus etiam possunt imponi 10. aut 20. aurei, qui nullum patiuntur detrimētum: tum vltimus os phialæ benè obturetur cū pasta, aut cum stappa inuoluta in pecia, & cum charta pergamena, aut cum bona pecia cooperiatur totum os phialæ, & ligetur cum fune subtili: quo factò accipiatur cacabus, aut caldeare ad minus quatuor sicularum Italicarum aquæ, & appendatur cathenæ ad ignem cacabus iste sic aquæ plenus, & accipiatur phiala, & imponatur in caldarium, ita vt p. 4. aut 5. digitos non tangat fundū caldarij, & p. totidem digitos stet super aquâ appensam cathenæ cū aliquo fune. sumatur deinde pes illius caponis non coctus, & ponatur in aqua caldarij, & permittatur bullire in tali aqua extra phialâ, donec pes bene coquatur: postquam verò pes bene fuerit coctus, accipiatur phiala & succus iam expressus à tali decoctione facta, &c. in duplici vase, vno scilicet vitreo, & altero terreo, vel æneo, deponatur in mundo vase vitreo, vel argenteo, &c. talis succus, qui à Principe in libello de Viribus cordis, appellatur aqua carnis, de qua aqua carnis poteris in omni ferculo exhibere, vsq; ad cochlear vnum: & vbi virtus fuerit debilis valde, etiâ absq; ferculo ppinari potest: neq; enim est aliud cordiale, quo tam citò virtutem cordis restauramus, cor confortamus, spiritus vitales viuificamus, & quo totum corpus fortificatur, &c. sicut est hæc aqua carnis, & fortasse non minor est eius restauratio, q̄ illa, quæ fit ex vino albo odorifero: & potest hæc aqua tuto administrari in febribus, quoniam non est multæ caliditatis, propter permixtionem eorum quæ cum ea abluuntur, & est longè melior, quàm sublimata, quæ fit in alembico: quod sæpissimè sum expertus. Quòd si febris esset valde intensa, & multum acuta, administrandi sunt aliqui flores cordiales, aliqua etiam semina frigida, complexionem febrilem remittentia, vt:

R. Florum violarum,
Nenufarum ana ʒ.j.
Buglossæ,
Boraginis ana ʒ.s.
Seminum melonum mundatorum,
Batecæ, vel Languriæ ana ʒ.j.s.

Misce omnia cum carnibus inuoluta, vt suprâ, ponantur in phiala, & decoquantur vt suprâ: præparat enim stante febre subito mirabiliter. Absoluta regula cibi & potus, veniendum est ad ac-

rem, qui etiam declinet à temperamento per frigidum & humidum: & si naturaliter talis nò sit, artificio alteretur, vt reddatur frigidus & humidus, cum herbis scilicet, fructibus & floribus, & alijs huiusmodi aerem rectificantibus, sicut etiam in hoc casu fecimus. Circa inanitionem & repletionem, iam dictum est de repletionem in regimine cibi & potus: inanitio autem fit cum his quæ infra dicentur. De exercitio nihil interim dico, quoniam ipse in lecto iacet: possunt tamen in hora declinationis febris aliquæ frictiones fieri in brachijs & tibijs, leues tamen, & teneram facientes carnem & humores, non autem inflammantes: quæ quidem in febricitante exercitij locum suppleant, ac etiam in sanis, vt docet Princeps capite de Exercitio. In accidentibus animi ordinamus gaudium & lætitiâ, quoniâ iræ & tristitiæ prosterunt vires, & exterminant virtutem, 3. Tech. Spes etiam semper iniungenda est, quoniam in omni ægritudine confortare mentem, & bene se habere ad oblationes, bonum: contrarium verò malum Hippocrates dixit. Et hoc modo completur prima intentio, quæ in regimine vitæ, & sex rerum non naturalium consistit.

Minoratio materiae. Occurrens igitur huic Nobili viro febricitanti, vt diximus, febre dependente à multitudine humorum superius dictorum, de creui ante eradicationem euacuationem, aliquantisper minorare materiam: nam stante multitudine, par est eâ paulatim euacuare, vt virtus aliquantisper exonerata fortior fiat ad materiam digerendam, & etiam euacuadâ eradicatione. Iussit ergo, omnibus consideratis, hoc sumere minoratium:

R. Florum cassiæ nouiter extractæ ʒ.j.
Electuarij lenitiui ʒ.s.
Sacchari q.l.

Misce, & fiat dactylus. Quòd si in forma boli accipere voluisset, dissoluisset tale minoratium cum aqua endiuie, cichorij, acetosæ ana ʒ.j.s. propinasset duabus aut tribus horis ante cibum. Sic etiam eodem modo exhibui bolum, à quo materia satis conuenienter minorata est, & in quanto, & in quali satis conuenienter eucta: quod vbi fuit absolutum, deueni ad tertiam intentionem, quæ est materiæ digestio.

Digestio materiae. Quoniam materiam euacuare non debemus, nisi prius fuerit digesta, iuxta canonem Hippocratis, Digesta medicari, &c. propterea celebrata iam minoratione ad digestionem iam properandum est: hoc igitur digestiuo in hoc casu vsus est:

R. Syrupi acetosi ʒ.j.
De endiuia ʒ.j.s.
Aquarum endiuie, Cichoriz,
Acetosæ ana ʒ.j.

Misce, &c. Post celebratam digestionem, quæ in principio fit, nunc non aperientibus, nec multum subtiliantibus accedendum est ad quartam intentionem, eradicationem scilicet purgationem humorum causantium febrim. Euacuationem adhibemus nunc purgantem electiuè choleram, qualiter diximus esse corporalem materiam ipsius febris, & sic eam præparauimus:

R. Pru-